



Synfocity = 538

mail us at : mzsynfo@gmail.com; mizoramsynod@gmail.com - Phone - 231464828th May, 2015

□ HSLC titha lawmman sem

Nimin (May 27, 2015) chawhnu dar 1:00 khan Synod Education Board chuan Synod Office Committee Room No.2-ah kum 2015 HSLC result-a titha Presbyterian English School zirlaite hnaena lawmman sem inkhawm a buatsaih. Inkhawm hi Pu Rozama Chawngthu, Secretary, Synod Education Board-in a kaihrui a, Upa D.P. Biakkhuma, Presbyterian English School Supervisor hnen atangin reports ngaihthlak a ni. Upa H. Ronghaka, Synod Secretary (Jr.)-in thu a sawi a, Rev. P.C. Pachhunga, Executive Secretary i/c Education-in lawmman a sem. A duh apiang tan thusawina hun hawn a ni a, banah thingpui ruai kil ho a ni.

Kum 2015-a HSLC result tihchhuah takah khan Presbyterian English School 16 atangin zirlai 270 zetin exam an bei a, an zinga 28-in Distinction-ah passed-in first division 85 an awm a, second division-ah 93 passed-in third division 38 an awm. Compartment exam chance nei 7 an awm a, passed zawng zawng hi 244 niin pass percentage chu 90.38 a ni. Zirlai 85-in subject hrang hrangah letter an hmu a, subject zawng zawngah letter hmu vek zirlai 4 an awm. Exam zawng zawng passed kim vekna school 6 an awm a, zaa 90 chin chung lam passed phak school 2 an awm a, zaa 80 chin chung lam passed phak school 3 an awm baw.

School titha ber chu Darlawn Presbyterian English School an ni a, anni hian lawmman atan Desktop Computer an dawng a. Pahnihna chu Serchhip Presbyterian English School niin lawmman atan pawisa fai Rs.12,000/- an dawng a, pathumna chu Khawzawl Vengthar Presbyterian English School niin lawmman atan pawisa fai Rs.10,000/- an dawng. Heng bakah hian school pathum- Keifang, Saitual leh Durtlang Presbyterian English School-te hnenah Consolation Prize Rs.5,000/- theuh hlan an ni.

Zirlai naupang titha zual mi 28 hnenah Laptop Computer pek vek a ni a, a tha zual top 3-te hnenah Laptop tha bik pek a ni. Presbyterian English School zirlai zinga HSLC result-a titha ber chu Agnes Lalnunhlu D/o John Laldinthara, Keifang Presbyterian English School a ni a, ani hian Mark 446 hmuin HSLC Topper aiin mark 19 chauhvin a hmu tlem a. Subject zawng zawngah Letter a hmu vek a ni. Pahnihna chu Lalrindiki D/o Lalramthara, Darlawn Presbyterian English School a ni a, Mark 445 hmuin subject zawng zawngah Letter a hmu vek baw. Pathumna chu Rebeck Lalhruiatuangi D/o Lalteka, Darlawn Presbyterian English School niin Mark 440 a hmu a, subject pakhatath chiah Letter a hmu lo a ni.

□ Zin

♦ May 28 - 30, 2015 hian Presbyterian Church Of Myanmar hotute nen Partnership chungchanga inbiakna nei turin Zokhawtharah Rev. Lazuithanga, Senior Executive Secretary; Rev. P.C. Pachhunga, Executive Secretary; Rev. Dr. R. Lalbiakmawia, Finance Officer; Rev. B. Sangthanga, Synod Secretary, Upa H. Ronghaka, Synod Secretary (Jr.) leh Upa Vanengmawia, Statistician-te an kal. Presbyterian Church of Myanmar hnuiaia Synod tin aiawh 2 theuh an tel baw ang.

♦ NEICC Working Committee leh Executive Committee chu May 25-29, 2015 chung hian Shillong ah neih mek a ni a, Rev. Zosangliana Colney President, NEICC pawh he hun hmang tur hian a kal a, PCI Enquiry Commission ah a tel nghal ang.

□ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni :

Sn.	Khua	Pek chhan	Chhungkaw zat	Chhawmdawlina pek zat
1.	W. Phaileng Electric Veng	Thlipui tuar	3	Rs. 18,000/-
2.	Mausen	Kang tuar	1	Rs. 10,000/-
3.	Ratu Chhim Veng	Dam lo rethei	1	Rs. 8,000/-
4.	Melkawn	Rial tla tuar	16	Rs. 75,000/-
5.	Ratu Chhim Veng	Rial tla tuar	21	Rs. 1,31,000/-
6.	Ratu	Rial tla tuar	35	Rs. 1,90,000/-
Total				Rs. 4,32,000/-

□ Mission Orientation

Synod Mission Board chuan Mission Field-a thawk Pastor te pualin Mission Orientation Programme, Missionary Training College, Mission Vengthlangah a buatsaih mek a, waviin (May 28, 2015) chawhnu dar 2:00 hian programme kharna hun hman a ni ang.

Kharna inkhawm hi Rev. Dr. K. Lalrinkima, MTC Principal in a kaihrui ang a, Rev. Lalchhuanmawia, Synod Mission Board Secretary-in thusawina hun a hmang ang. Orientation training hi May 18, 2015 atang khan neih tan a ni a, Field Secretary 1 leh Missionary Pastor 17 an tel a ni. He programme-ah hian heng subject te hi paper buatsaiha zir ho a ni : **Cultural Anthropology and Christian Mission** - Rev. Dr. K. Lalrinkima, **Evangelism and Church Planting** - Rev. C. Chawngliana, **Contemporary Theology of Mission** - Rev. Remlalfaka, **Mission Strategy** - Pu R. Lalnunluanga, **Social Justice and Civil Law** - Sylvie Zomuanpuii, **Administration and Personal Management** - Rev. K. Lalpiangthara, **Conversion Issues in India** - Rev. Vanlalrova Khiangte, **Practical Issues in Mission** - Rev. C. Zoramawia, **Missionary Life and Practical Challenges (Pastor Perspective)** - Rev. Vanlalchhunga, **Missionary Life and Practical Challenges (Missionary Perspective)** - Pu R. Lalchhanhima, **Language Learning Technique** - Dr. Lalrindiki Fanai, **Mental Health Awareness** - T.Upa Dr. Hrekima, **Account Training** - Upa C. Lalmuankima, **SMB Office Matters** - Upa Lalrinmuana

□ MSSU

♦ May 30, 2015 (Inrinni) hian Tanhril Kohhranah Sunday School Zirtutu Training neih a ni dawn a, hemi neihpui tur hian Pu John Lalhruiatuanga, MSSU Asst. Coordinator leh Upa B. Lalhmunliana, Bethlehem Venglai (MSSU Trainer) te an kal ang. Zan Pathian biak inkhawmah Pu John Lalhruiatuangan fanau enkawl chungchang thuchah a sawi ang.

♦ May 30, 2015 (Inrinni) hian Chanmari West Bial huapin Chanmari West Kohhranah Sunday School Zirtutu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Rev. C. Lianhmingthanga leh T.Upa R. Lianhmingthanga, Republic Vengthlang (MSSU Trainers) te an kal ang. Zan Pathian biak inkhawmah Rev. C. Lianhmingthangan fanau enkawl chungchang thuchah a sawi ang.

Contd...

- **Kohhran Hmeichhia**
 - ♦ May 29 - 31, 2015 hian Sumsuih Bial huapin Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi C. Romani, Pi Lalsiammawii leh Pi C. Thanthuami (Committee Members) te an kal ang.
 - ♦ May 29 - 31, 2015 hian Darlawn Bial huapin Sawleng Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Lalhmingmawii Sailo, Pi Denghmingliani leh Pi Sawithangi (Committee Members) te an kal ang.
- **Nepal lirnghing tuarte tanpuina**
May 27, 2015 (Nilaini) thleng khan tunhnaia Nepal rama lirnghing tuarte tanpuina tur Rs. 17,32,480/- hmuh a ni. Hei hi Aizawl khawpui chung Kohhran hrang hrang 118, Masihi Sangati 2, Nepali 1 leh Mimal 2 hnen atanga dawn a ni.
- **Kristian Thalai Pawl**
 - ♦ May 29 - 31, 2015 hian Mualcheng Branch KTP Diamond Jubilee hmanpui turin Central KTP hruaitu Pu C. Laldingliana leh Pu Zonunsanga Ralte (Committee Members) te an kal ang.
 - ♦ May 30 & 31, 2015 hian Serchhip Bial huapin Leadership Training neih a ni dawn a, hemi neihpui tur hian Central KTP hruaitu T.Upa T. Lalawmpuia leh Tv. Joseph Lalsangzuala (Committee Members) te an kal ang.
 - ♦ Nimin (May 27, 2015) khan Rev. Pachhunga, Executive Secretary i/c KTP, Upa Zonunmawia, General Secretary leh YRC Sub Committee ten Youth Recreation Centre (YRC) hmun laih zawl mek an enpui. Youth Recreation Centre (YRC) plan & estimate hi Synod Property Committee-in a thlir hnuah Synod Executive Committee (SEC)-a thlir turin pek a ni.
- **Hruaina Eng FM Radio & TV Programme**
 - ♦ **MAY 29, 2015 (FM ZOAWI AIZAWL @ 7:30 P.M.)**
Solo : Baby Malsawmtluangi - Mamawh chhanna, **Zaipawl** : Besy Choir - Amen, **Thuchah** : Upa Bonny Lalrindika - Tunlai thil awmzia, **Solo** : Henry Varte - I hminghlu hi, **Zaipawl** : Dawrpui Vengthar Bial Zaipawl - Min hum rawh, **Solo** : Freddy Lalremruata - Dawn Chiang ve la
 - ♦ **MAY 29, 2015 (FM LUNGLEI @ 7:30 P.M.)**
Solo : Baby Malsawmtluangi - Mamawh chhanna, **Zaipawl** : Besy Choir - Amen, **Thuchah** : Upa Bonny Lalrindika - Tunlai thil awmzia, **Solo** : Henry Varte - I hminghlu hi, **Zaipawl** : Dawrpui Vengthar Bial Zaipawl - Min hum rawh, **Solo** : Freddy Lalremruata - Dawn Chiang ve la
 - ♦ **MAY 31, 2015 (Tv Programme) @ 3:00 p.m.) :**
Playback : Pavalai Pawl Meet 2015, **Sawihona** : Kohhran Indan Chungchang
- **Susamachar Prasaran Programme**
 - ♦ **MAY 31, 2015 (Pathianni) 5:00 pm. Hindi Gospel Programme (Susamachar Prasaran) :**
Group/Choir/Solo : Hmingtea Tochhawng - Chhoti chhoti, **Group/Choir/Solo** : Dawrpui Bial Masihi Sangati - Jaya, **Sermon** : Lalhmingthanga, **Group/Choir/Solo** : Soni Lalnunsangi - Ashantima, **Group/Choir/Solo** : Kristian Centre Zaipawl - Hawale
- **Moderator Programme**
Synod Moderator Rev.Lalrinmawia chuan tunkar tawpah hetiang hian hun a hmang ang :
 - ♦ May 30, 2015 (Inrinni) Zan - Bethlehem North Kohhran
 - ♦ May 31, 2015 (Pathianni) Chawhma - Bethlehem Kohhran
 - ♦ May 31, 2015 (Pathianni) Chawhnu - Bethlehem Vengthlang Kohhran
 - ♦ May 31, 2015 (Pathianni) Zan - Bethlehem Venglai Kohhran

SYNOD LAY WORKERS FELLOWSHIP

VAWI 41-NA

A hmun : Aizawl Theological College

A hun : May 29, 2015

<p>CHAWHMA HUN : HUN URHSUN (11:00AM - 12:30PM)</p> <p>Hruaitu : Upa R. Lalmalsawma <i>Chairman, SLWF</i></p> <p>1. Tantu : Pi Zoramthangi, Hmangaihna In</p> <p>2. Reports : 1. Upa Hmingthansanga, Secretary, SLWF 2. Upa H.S Lalhlimpuia, Treasurer, SLWF</p> <p>3. Member thi sunna : Chairman kutah</p> <p>4. Lay Day Address : Rev. Lalrinmawia Moderator, Mizoram Synod</p> <p>5. Ngaihruina hlan - Hlantu : Upa C. Lalmuankima, Synod Office</p> <p>6. Group Zai : Synod Higher Sec. School</p> <p style="text-align: center;">CHHUN THINGPUI : 12:30PM - 1:00PM</p>	<p>CHAWHNU HUN : FAK RUNPUI & THUPUI (1:00PM - 3:00PM)</p> <p>Thupui : Tunlai Harhna leh rawngbawltute <i>Chairman, SLWF</i></p> <p>1. Hruaitu : Dr. C. Biakmawia, Pensioner</p> <p>2. Thupui sawitu : Upa C. Ngurthantluanga, Khatla</p> <p>3. Fak Runpui -</p> <p>4. Kal tha lawmman hlan Hlantu : Pu Rozama Chawngthu, SHSS</p> <p>5. Lawmthu sawi : Upa R. Rualkhuma V/Chairman, SLWF</p> <p style="text-align: center;">RUI : 3:00PM - 4:30PM</p>
--	--